



05687


春秋滕薛杞越莒邾許七國統表卷之三

蕭山魏翼龍際雲編輯

男玉山校

考證

滕始封考



禮記滕伯文鄭康成註殷時滕君也魯為伯名文是周以前本有滕國也

春秋隱七年孔疏地理志云沛郡公邱縣故滕國也周文王子錯叔繡所封與

此異

史記滕薛騶夏殷周之閒封也索隱曰滕不知本封蓋軒轅氏之子有滕姓是其祖也後周封文王子錯叔繡於滕故宋忠云今沛國公邱是滕國也

漢書地理志沛郡公邱縣故滕國周懿王子錯叔繡所封師古曰左氏傳云邾雍曹滕文之昭也系本亦云錯叔繡文王子而此云懿王子未詳其義耳

春秋七國統表卷三

一

杜預世族譜滕姬姓文王子錯叔繡之後也武王封之居滕今沛郡公邱縣是也自叔繡及宣公十七世乃見春秋

水經注滕周懿王子錯叔繡文公所封也朱謀瑋注箋世本云周文王子錯叔繡封於滕杜預世譜並同惟漢書地志沛郡公邱縣注謂滕是周懿王子錯叔繡所封故水經注仍其說

鄭樵通志周同姓國滕文王第十四子叔繡後也武王封之於滕舊云滕在沛國公邱縣東南按晉志云公邱屬魯國今兗州龔邱是

文獻通考滕姬姓侯爵文王子叔繡之後也地在兗州龔邱今徐州有故滕城

洪亮吉左傳詁地理志滕國周懿王子錯叔繡所封按古今人表滕叔繡在中上注文王子此注謂出懿王蓋傳寫誤一字

考叔繡爲文王子世本世族譜俱同漢書古今人表亦云文王子惟漢書地理志云懿王子與人表互異水經注亦稱懿王子而云叔繡文公所封是叔繡諡文公也孔穎達春秋正義引地理志以爲文王子蓋所見本異耳今依世族譜爲表

春秋七國統表

卷三

二

滕侯穀至隱公考

公羊傳隱七年滕侯卒何休註滕子先朝隱公疏在十一年即此君之子也

春秋桓二年滕子來朝杜預註隱十一年稱侯今稱子者蓋為時王所黜孔穎達疏自是以下滕常稱子故疑為時王所黜於時周桓王也東周雖微弱猶為天下宗主尚得命郝為諸侯明能黜滕為子爵

陳傳良曰凡執君不名歸

春秋僖十九年宋人執滕子嬰齊左傳宋人執滕宣公公羊傳何休註名者著蔡邱之會叛天子命者也唐趙匡春秋纂例被執失地則名不然則否宋孫明

春秋七國統表

卷三

三

然後名之此其名何遂矣

復春秋尊王發微滕子名者惡遂失國也

國而不歸也方苞曰滕子何以名自是

春秋昭三年滕子原卒孔穎達疏杜世族譜滕成公

不返國也

是文公之子

春秋哀十一年滕子虞母卒孔穎達疏四年滕子結

卒虞母代結為君

世族譜宣公嬰齊 昭公毛伯宣公孫 文公繡

成公原文公子 悼公寧 頃公結 隱公虞母右

滕人七

通鑑外紀周桓王四年滕侯薨襄王十一年宋襄公執滕宣公嬰齊自滕叔繡至宣公十七世矣定王七

世族譜注家文公子三字永樂大典脫佚從昭三年正義所引世族譜補入

年滕昭公毛薨子文公繡立簡王十一年滕文公薨
子成公原立景王六年滕成公薨子悼公寧立敬王
六年滕悼公薨子頃公結立敬王二十九年滕頃公
薨子隱公虞母立敬王三十六年滕隱公薨

皇王大紀周定王七年滕侯薨諡曰昭公子繡嗣簡
王十一年滕侯薨諡曰文公子原嗣景王六年滕侯
薨子寧嗣

春秋分記滕姬姓侯爵其先出自文王子錯叔繡武
王封錯于滕自錯至宣公十七世宣公之父隱七年
卒書侯而不名宣公始書侯後書子遂以子爵終春
春秋七國統表

卷三

四

秋論曰滕侯宣公繼世以侯爵見于經自桓二年宣
公來朝乃降稱子至宋襄繼起遂見執焉蓋滕之降
爵固以見其日就卑替然稽其始降則昉乎宣公者
也 滕侯不詳嗣立改元之年隱七年卒不見名諡

宣公名嬰齊僖十九年宋人執之春秋經傳皆不
載卒葬日月 昭公宣公孫經傳不見嗣立改元之
年宣九年卒 文公宣九年嗣立明年改元至成十
六年卒在位二十五年 成公名原世族譜文公子
成十六年嗣立明年改元至昭三年卒在位三十六
年 悼公名寧昭三年嗣立明年改元至昭二十八

按四年獲麟
蓋謂自隱公
卒至獲麟之
年四年也
諸國統紀滕
悼公下有哀
公疑誤刊

頭三十四當
作二十三

年卒在位二十五年 頃公名結昭二十八年嗣立

明年改元至哀四年卒在位二十三年 隱公名虞

母哀四年嗣立明年改元至十一年卒在位七年

文獻通考滕世次滕侯毅宣侯嬰齊孝侯轍昭公元

文侯壽成公原悼侯寧頃公結隱公虞母四年獲麟

諸國統紀滕姬姓國文王子錯始封十六世至滕侯

入春秋滕侯宣公昭公文公成公悼公哀公頃公隱

公隱七春三月滕侯卒僖十九春王三月宋人執

滕子嬰齊宣九秋八月滕子卒成十六夏四

月辛未滕子卒昭二春王正月丁未滕子原卒

春秋七國統表卷三 五

昭二十八秋七月癸巳滕子寧卒哀四秋八月

甲寅滕子結卒哀十一秋七月辛酉滕子虞母卒

春秋大全宣九年滕子卒昭公也子文公壽嗣成十

六年滕子卒左傳滕文公卒汪氏曰在位十年成公

原立

凌迪知帝王姓系譜文王子叔繡之後封於滕 滕

侯 宣公嬰齊滕侯昭公毛宣公文公繡昭公成公

原文公悼公成公頃公結隱公悼公

南軒通鑑綱目周簡王十一年滕文公卒子原嗣是

爲成公景王六年滕成公卒子寧嗣是爲悼公敬王

六年滕子寧卒子結嗣是為頃公敬王二十九年滕頃公卒子虞母嗣是為隱公敬王三十六年滕隱公

卒

凌莖列國紀年周桓王四年滕侯穀卒宣公嬰齊立馮李驊左繡隱七年滕侯卒註公卒宣公立

馬驢左傳事緯列國年表周桓王四年滕侯卒桓王五年滕宣公嬰齊元年襄王十一年宋執滕子

馬驢釋史滕世系叔繡滕侯宣公昭公文公成公悼公頃公隱公

按譚貞默孟子編年畧由

譚貞默孟子編年畧滕出自周文王第十四子叔繡春秋七國統表卷三

米羹尊經義考錄入

之後見春秋者滕侯穀宣公嬰齊孝侯輒昭公元文侯壽成公原悼公寧頃公結隱侯虞母

涂錫禧春秋四傳刈實滕世次本末滕侯穀宣侯嬰齊孝侯鄭昭侯元文侯壽成公原悼侯寧頃公結隱

公虞按滕自叔繡以下至魯隱公七年見滕侯卒即穀也其後稱子蓋為時王所黜

陳厚耀春秋氏族圖滕本支圖滕侯穀隱七年卒宣公嬰齊隱十一年朝魯桓二孝侯見史記昭公元宣九年卒文公

壽成十卒成公原昭三卒悼公寧昭二十卒頃公結哀四卒隱

公虞母哀十卒

春秋文十二年滕子來朝明季彭山曰滕自宣公見執於宋而從之二十六年矣昭公嗣立復朝魯宋亂不暇爭也

吳鳳來春秋集義滕國世次叔繡文王子宣公嬰齊後無考宣公嬰齊孝公鄭昭公元文公壽成公原悼公寧頃公結隱公虞母

李錯尚史滕世家滕宣公薨昭公即位年表周襄

王九年起書滕宣至周頃王元年書滕宣昭

考春秋分記宣公為滕侯子文獻通考載滕侯

之名宣公下有孝侯轍一世四傳刈實作孝侯

鄭陳厚耀氏族圖謂孝侯見史記今考史記並

無滕孝侯按馬端臨記邾莒許滕薛郕諸國事

實謂世系之傳授苟有可考者則書之難書者

春秋七國統表 卷三

七

闕之所叙述一依史傳元文不敢有所去取刪

潤是其所載孝侯轍蓋本之史傳原文第考杜

預世族譜宣公後即昭公昭公為宣公孫杜氏

世族譜本之世本旁引傳記其說最古世族譜

既無孝侯外紀大紀均皆不載春秋分記亦以

昭繼宣是滕之世次應以世族譜為正昭公以

下外紀大紀俱父子相承齊履謙滕國統紀世

次一依春秋所載于宣昭二公俱紀在位之年

自有所據尚史謂宣公薨昭公即位而表于頃

王元年尚書宣昭未詳所本今依世族譜外紀

春秋分記諸國統紀爲表

孟子滕文公爲世子趙岐註滕侯周文王之後也
紀世本錄諸侯之世世國有考公與文公之父
公相直其子元公宏與文公相直以後世避諱改
公爲定公以元公行文德故諱之文公也

吳叔雪賦註
引孟子文亦

孟子慶父公卒葬有日矣天大雨雪甚至於
請弛期太子不許惠子諫曰昔王季葬於山
是樂水醫其裏見棺則曰五日先君
姓矣乃爲出帳三日而葬先王
稷故伊耆氏地而更爲

春秋七國統紀

卷三

關之世故也
謂是其所載事侯
預世族譜
昭公

世族譜本之世本旁引傳記其說
既無孝侯外紀大紀均皆不載春秋
昭宣宣是孫之世次應以世族譜爲正
下外紀大紀俱父子相承齊履謙滕國統
次一依春秋所載于宣昭二公俱紀在位之
自有所據尚史謂宣公薨昭公即位而表于
春殊衣信簡圖繇詩爲表所本今依世族譜外

滕定公文公考

孟子滕文公爲世子趙岐註滕侯周文王之後也古紀世本錄諸侯之世滕國有考公麋與文公之父定公相直其子元公宏與文公相直似後世避諱改考公爲定公以元公行文德故謂之文公也

孟子外書文說篇亦載此事而文小異

吳淑雪賦註引孟子文亦

小異末有太子曰善句

逸孟子滕文公卒葬有日矣天大雨雪甚至於牛目羣臣請弛期太子不許惠子諫曰昔王季葬渦山之尾欒水嚙其墓見棺前和文王曰先君欲見羣臣百姓矣乃爲出帳三日後葬今先王欲小留而安撫社稷故使雪甚弛期而更爲日此文王之義也宋吳淑

春秋七國統表

卷三

九

雪賦葬滕文而弛期

大事記周赧王二年孟軻自齊之宋自宋適滕勸滕文公修井田法不果行解題曰以梁惠王公孫丑滕文公三篇首章考之孟子先適梁次適齊次適宋次適滕年月不可考今載於去齊之次年

譚貞默孟子編年畧戰國滕有定公文公見孟子俱失名古紀世本諸侯之世滕有考公麋元公宏則文公後也

包少東孟子年譜周顯王三十二年滕文公爲世子之楚過宋見孟子顯王三十九年滕世子使然友之

鄒問喪禮顯王四十二年孟子至滕文公問爲國顯
王四十七年文公聞齊築薛甚恐問孟子慎覲王二
年孟子至齊慎覲王三年滕文公卒孟子出弔於滕
考滕定公卽世本考公文公卽世本元公趙岐
註甚明譚氏謂考公元公在文公後未知何本
逸孟子載滕文公卒因雨雪更葬期事戰國策
呂氏春秋以爲魏惠王未知孰是至定公文公
卒年史傳無可考惟包少東孟子年譜載之其
載顯王四十二年孟子至滕與文獻通考赧王
二十九年宋滅滕上距孟子時四十餘年相合

春秋七國統表

卷三

十

今依趙岐註及包少東孟子年譜爲表

宋滅滕考

春秋隱七年滕侯卒孔穎達疏譜云隱公以下春秋後六世而齊滅之世本云齊景亡滕案齊景之卒在滕隱之前世本言隱公之後仍有六世為君而云齊景亡滕為謬何甚服虔昭四年註亦云齊景亡滕是不考校而謬言之

竹書紀年周威烈王十一年於越滅滕

路史以越王朱句所滅之滕係黃帝之後註引司馬貞云滕之祖按宋隱周封叔纁于滕卽滕本封之地

彼時已無軒轅後之滕國矣

戰國策宋康王之時有雀生驥於城之陬使史占之曰小而生巨必霸天下康王大喜於是滅滕高誘註康王剽成之弟 呂氏春秋高誘註宋康王名偃

春秋七國統表

卷三

十一

漢書地理志滕三十一世為齊所滅

古史曹叔世家滕常與諸侯會朝後春秋七世齊所滅又宋世家王偃滅滕

大事記周赧王二十九年宋滅滕

皇王大紀周赧王二十九年宋有雀生鷓史占之曰小而生巨必霸王喜起兵滅滕

鄭樵通志滕隱公以下春秋後至公邱二十一世為秦所滅釋例云春秋後七世為齊所滅

王伯厚玉海通鑑答問滕滅于赧之二十九年此其可攷者

文獻通考周赧王二十九年宋滅滕上距孟子時四
十餘年

按杜預春秋
釋例世族譜
無至公邱為
秦滅之文

譚貞默孟子編年畧或云周赧王二十九年滕為宋
所滅則去孟子卒三年誤也傳記滕文公卒再傳二
十一年滅於宋春秋釋例云滕國春秋後七世為齊
所滅又云滕自叔繡以下至公邱二十一世為秦所
滅互異公邱亡國故無諡也小國得延至秦并喪禮
井田之效畧可見於茲矣
任啟運孟子考畧赧王十四年記言孟子去滕二十
一年而滕亡則宋滅滕當在此年

春秋七國統表 卷三

考滕之亡漢書與世族譜為齊滅紀年為越滅
戰國策為宋滅通志有秦滅齊滅二說古史于
曹叔世家云滕為齊所滅于宋世家云王偃滅
滕亦兩存其說大事記大紀玉海文獻通考均
云周赧王二十九年宋滅滕按史記齊滅宋在
赧王二十九年綱目于齊滅宋下叙王偃滅滕
事是宋滅滕後即為齊滅歟譚貞默以赧王二
十九年宋滅滕為誤而云傳記滕文公卒再傳
二十一年滅于宋任鈞臺又謂記言孟子去滕
二十一年而滕亡宋滅滕當在赧王十四年彼

此互異其所引傳記均未知出何書今依國策
大事記玉海文獻通考爲表

春秋七國統表

卷三

十三



大率指其文獻通考爲表

此互異其他傳記均未知出何書今依國策

薛始封至惠公考

左傳隱十一年薛侯曰我先封杜預註薛祖奚仲夏所封

左傳定元年薛宰曰薛之皇祖奚仲以爲夏車正奚仲遷于邳仲虺居薛以爲湯左相杜預註奚仲爲夏

禹掌車服大夫邳下邳縣仲虺奚仲之後

公羊傳隱十一年滕侯薛侯來朝隱七年疏薛侯父卒在春秋之前

左傳昭三十一年薛伯穀卒杜預註襄二十五年盟

重邱孔穎達疏傳言同盟故書薛于重邱以前雖數

春秋七國統表

卷三

十四

與魯盟薛入春秋以來卒葬不見經傳未知此穀以何年卽位故舉去今近者言之

公羊傳定十二年薛伯定卒何休註子無道當廢之

而以爲後未至三年失衆見弑禍端在定疏子未三

年失衆見弑卽下十三年冬薛弑其君比是也

左傳哀十年薛伯夷卒孔穎達疏定十三年薛弑其

君比此夷當代爲君爾

國語滕薛鄒莒韋昭註薛妘姓

世族譜薛國任姓黃帝之苗裔奚仲封爲薛侯今魯國薛縣是也奚仲遷于邳仲虺居薛以爲湯左相武

左傳商有妣
邳杜預註妣
邳二國名邳
今下邳縣

晉大康地記
奚仲家在薛

城南二十五
里山上百姓
為之神靈也

宋陳振孫書
錄解題云春
秋二十國年
表一卷不知
何人作

王復以其胄為薛侯齊桓霸諸侯黜為伯獻公始與
魯同盟小國無記世不可知亦不知為誰所滅

漢書地理志薛夏車正奚仲所國後遷于邳湯相仲

虺居之又東海郡下邳應邵曰邳在薛其後徙此故

曰下邳

說文邳奚仲之後湯相仲虺所封國在魯薛縣

晉書地道記仲虺城在薛城西三十里

水經注泗水東南過下邳縣西應邵曰奚仲自薛徙

居之故曰下邳也

路史禹封奚仲於薛註今徐之薛城有奚公山奚仲

春秋七國統表 卷三 五

蒙後紀十三奚仲生吉光是主為車建侯於薛後紀

通鑑外紀薛任姓黃帝之後奚仲為夏車正遷于邳

湯相仲虺居薛周武王復以其苗裔為薛侯齊桓公

之伯黜為伯周惠王十四年薛伯薨敬王九年薛獻

公穀薨子襄公定立敬王二十二年薛襄公薨子比

立敬王二十三年薛弑其君比惠公夷立敬王三十

五年薛惠公薨

闕名春秋二十國年表薛魯隱十一年見來朝名穀

皇王大紀周敬王九年薛伯薨子定嗣敬王二十二

年薛伯薨子比嗣敬王二十三年薛弑其君比子表

嗣 春秋分記薛任姓侯爵黃帝裔奚仲之後也夏封奚

仲為薛侯後遷于邳仲虺居薛為湯左相武王復以

其胄為薛侯國在徐州滕縣 薛侯魯隱十一年來

朝莊三十一年夏四月卒來朝稱侯卒稱伯不知名

諡 鄭樵通志周異姓國薛任姓黃帝之孫顓帝少子陽

封於任故以為姓十二世孫奚仲為夏車正禹封為

薛侯奚仲遷于邳十二世孫仲虺為湯左相復居薛

舊云魯國薛縣今徐州有薛城在滕縣東南五十里

春秋七國統表 卷三 六

是也臣扈祖已皆仲虺之胄也祖已七世孫曰成徒

國於摯更號摯國女太任生周文王至武王克商復

封為薛侯齊桓之霸也薛侯不從黜為伯獻公始與

諸侯盟 文獻通考薛任姓侯爵黃帝之後奚仲封于薛地在

薛縣今徐州薛城至獻侯始朝魯與諸侯盟會薛世

次薛侯獻侯穀襄公定薛公比惠公夷 五年獲麟

南軒通鑑綱目武王封仲虺弟雍滑之後於薛周敬

王九年薛獻公卒子定嗣是為襄公敬王二十二年

薛襄公卒子比嗣敬王二十三年薛弑其君比子夷

通志都邑界
奚仲遷于邳
又以邳為薛

天也薛為
奚仲遷于邳
又以邳為薛

按五年獲麟
蓋謂自惠公
卒至獲麟之
年五年也

立是爲惠公

帝王姓系譜薛獻公毅襄公定獻公君比襄公惠公子

夷襄公子

春秋四傳刈實世次本末薛獻侯毅襄公定薛伯比惠公夷宜按薛任姓侯爵黃帝之後奚仲封薛遷于邳仲虺居薛爲湯左相武王復以其弟雍滑爲薛侯考世族譜薛爲任姓韋昭國語註爲妘姓按左傳隱十一年滕薛爭長滕侯有不敢與諸任齒之言則薛爲任姓明矣至朝魯之薛侯二十國年表云名毅春秋分記謂來朝稱侯卒稱伯不知名諡是莊三十一年書卒之薛伯卽此薛侯也薛獻公以下薛之卒葬俱見于經大紀獻以下至惠公俱父子相承南氏綱目亦同凌氏姓系譜比與惠公皆襄公子與大紀異今依世族譜春秋分記大紀帝王姓系譜爲表

春秋七國統表

卷三

七

王世系譜薛獻公毅襄公定
君比襄公惠公
夷襄公子

齊滅薛考

孟子齊人將築薛趙岐註齊人并得薛築其城

唐書薛為楚所滅

文獻通考容齋洪氏隨筆曰薛之祖奚仲為夏禹掌車服大夫自此受封歷商及周末始為宋偃王所滅其享國千九百餘年傳六十四代三代諸侯莫之與比薛壤地徧小以詩則不列于國風以世家則不列于史記而春秋二百四十二年之間視同儕邾杞滕鄆獨未嘗受大國侵伐則其為邦亦自有持守之道矣

春秋七國統表

卷三

六

帝王姓系譜薛春秋後六世齊滅之

今本紀年周顯王二十九年邳遷于薛

無改名徐州語

名徐州

史記魯世家傾公十九年楚伐魯取徐州索隱曰郡國志曰魯國薛縣六國時曰徐州又紀年云梁惠王三十一年下邳遷于薛改名曰徐州

史記孟嘗君列傳齊宣王九年田嬰相齊齊宣王與魏襄王會徐州而相王也楚威王聞之怒田嬰明年楚伐敗齊師於徐州而使人逐田嬰田嬰使張丑說楚威王乃止正義曰紀年云梁惠王三十年下邳遷

按正義引作梁惠三十年

路史薛後滅於楚註杜云歷三代六十四世

計前今本一年

或刊脫一字耳

史記齊宣王二年韓請救

於齊騶忌子勸勿救索隱

曰王郟云此時騶忌死已

四年騶忌者誤耳按齊

宣王二年當周顯王二十

八年時田忌在位與騶忌

有積惡則下郟之遷騶或

田忌過遷之如春秋宋遷

宿之類也

周隱王卽赧王

靖郭君國策註田嬰盜竊隱云靖郭或對邑號

于薛改名徐州

史記田敬仲世家騶忌子以鼓琴見威王居葭年封

以下郟號曰成侯又六國年表周顯王十二年齊威

王封騶忌為成侯

戰國策閔王事齊將封田嬰于薛鮑彪注定封在此

三年又靖郭君將城薛客曰君長齊奚以薛為夫齊

雖隆薛之城到於天猶之無益也君曰善乃輟城薛

吳師道正曰夫齊按新序作無齊

史記六國年表周顯王四十八年齊湣王三年封田

嬰於薛又孟嘗君列傳田嬰相齊十一年宣王卒湣

春秋七國統表

卷三

九

王卽位三年而封田嬰於薛索隱曰紀年以為梁惠

王後元十三年四月齊威王封田嬰于薛十月齊城

薛

竹書紀年周隱王十五年薛侯來會王于釜邱紀年

集證引統箋云此會王釜邱者蓋子嬰也

後漢書郡國志薛本國六國時曰徐州地道記曰夏

車正奚仲所封冢在城南二十里山上皇覽曰靖郭

君冢在城中東南陬孟嘗君冢在城中向門東北邊

譚貞默孟子編年畧薛至戰國為齊威王所滅以封

其少子田嬰嬰傳子田文卽孟嘗君當孟子時滕猶

論語之滕薛非論語之薛矣

包少東孟子年譜周顯王四十七年齊築薛以備楚考世族譜薛不知爲誰滅是杜預時薛滅已無考矣趙岐孟子註謂齊人并得薛唐書云楚滅文獻通考洪容齋云宋滅按趙岐去古未遠且齊封田嬰于薛則薛爲齊滅應以趙註爲正第滅于何年傳記無可考水經注引紀年梁惠成王三十一年邳遷於薛改名徐州史記魯世家索隱引紀年孟嘗君列傳正義引紀年均云下邳遷于薛改名徐州考梁惠王三十一年當周顯王二十九年史記齊威王以下邳封騶忌號曰成侯在周顯王十二年是奚仲所遷下邳之地早入于齊紀年所云下邳遷于薛改名徐州乃齊遷下邳于薛改薛爲徐州也後漢郡國志薛本國六國時曰徐州與紀年合是邳遷于薛則薛已滅亦可爲齊并薛之明證至齊後封田嬰于薛史記年表在齊湣王三年當周顯王四十八年國策亦云閔王事索隱引紀年梁惠王後元十三年四月齊威王封田嬰于薛十月齊城薛考梁惠王後元十三年當周顯王四十七

春秋

七國統表

卷三

三

唐書薛世系與春秋不符考

唐書宰相世系表薛歷三代凡六十四世其可記者
眡生初初生厲侯陵陵生宣武侯房房生哀侯衰衰
生莊侯元元生平侯貴貴生昭侯直直生襄侯夷夷
生桓侯辨辨生康侯安興生定公箱箱生恭侯
尚尚生景侯魏魏生宣侯伯勤伯勤生簡侯文歡文
歡生惠侯夷黃夷黃生靈侯英英生文侯俱俱生隱
侯清清生愍侯洪爲楚所滅公子登仕楚懷王
鄭樵通志杜預云薛小國無紀世次不盡知也然唐
世系表自眡至愍侯洪爲楚所滅凡二十一世父子

春秋七國統表

卷三

三

相傳其語無所經見只本人家譜籍無足信也今但
從杜氏所紀而不得其世次者也

又考杜預世族譜薛小國無記世不可知故譜內

無世並無薛之世數其見于春秋可考者僅有獻公

尚尚至惠公四世唐書宰相世系表所載眡至愍侯

世皆洪世系與春秋不合鄭漁仲謂其語無所經見

只本人家譜籍無足信也凌迪知萬姓統譜云

薛爲楚滅而帝王姓系譜仍稱齊滅只載春秋

內世次蓋亦以族譜爲不可信也故不錄入世

春秋滕薛杞越莒邾許七國統表卷之四

蕭山魏翼龍際雲編輯 男玉山校

考證

杞始封至武公考

通鑑綱目引
大紀作東婁
公

史記杞世家杞東樓公者夏后禹之後苗裔也殷時或封或絕周武王克殷紂求禹之後得東樓公封之於杞以奉夏后氏祀索隱曰東樓公諡號也不名者並史先失耳 東樓公生西樓公西樓公生題公題公生謀娶公徐廣曰謀一作謨 謀娶公當周厲王時謀娶公生武公武公立四十七年卒子靖公立

春秋七國統表

卷四

一

史記留侯世家昔者湯伐桀而封其後於杞

世族譜杞國妣姓夏禹之苗裔武王克紂求禹後得東樓公而封之於杞今陳留雍邱縣是也

水經注雍邱縣舊杞國也殷湯周武以封夏后繼禹之嗣

唐書夏少康裔孫東樓公封於杞

漢書古今人表杞題公東樓子

竹書紀年周厲王二十四年杞武公薨

闕名春秋二十國年表杞武公十一年入春秋

冊府元龜列國君部祀東樓公者夏后禹之後苗裔

也殷時或封或絕周武王克殷紂求禹之後得東樓
公封之於杞以奉夏后氏祀東樓公生西樓公西樓
公生題公題公生謀娶公謀一作謀謀娶公生武公武公

立四十七年卒子靖公立

東軒公

古史陳杞世家杞東樓公者夏禹之苗裔也周武王

封之于杞以奉夏后氏之祀東樓公生西樓公西樓
公生題公題公生謀娶公當周厲王時謀娶公生武
公武公立四十七年卒子靖公立

通鑑外紀周平王二十年初杞東樓公生西樓公西
樓公生題公題公生謀娶公當厲王時是歲薨子武

春秋七國統表

卷四

二

公立杞之年始可紀 目錄周平王二十一年杞武

公元桓王十六年武公四十七年薨子靖公立

春秋分記杞妣姓公爵夏亡湯封夏後子杞周武王
克殷求禹之後得東樓公於杞仍封其故國謀娶公
之子武公二十九年魯隱公元年桓八年卒在位四
十七年

鄭樵通志周異姓世家杞東樓公者夏后禹之後苗
裔也殷時或封或絕周武王克殷紂求禹之後得東
樓公封之於杞以奉夏后氏祀東樓公生西樓公西
樓公生題公題公生謀娶公當周厲王時謀

娶公生武公武公立四十七年卒子靖公立

路史湯封少康之後於杞以郊禹後分於曹東之僂

是為東樓生西樓公周興求後得東樓公後之杞註

鄞生云湯放桀封其後于杞故大戴禮云湯放桀桀

乃遷姒姓于杞僂蓋其析也或云湯封之樓非

林堯叟左傳列國紀年隱元年杞姒姓侯爵夏禹之

後自東樓公始受封傳五世至武公一十二年入春

秋又僖元年杜氏年表武公二十九年入春秋

春秋大全諸國興廢說杞東樓公四傳而至武公武

公十一年魯隱公立

春秋七國統表

卷四

刊者因其前
後互異而更
之未詳其正

王觀國學林
史記當厲王
時杞武公生
蓋世家之誤
也

釋史杞世系註史世家四世謀娶公當周厲王時必
有誤父子相及在位各五六十年無是理也 年表
周平王二十一年杞武公元年

尚史杞世家謀娶公當周厲王時註自武王至厲王
二百四十年東樓公至謀娶載四世誤 謀娶公生
武公註按春秋武公二十九年為魯隱元年謀娶公
既當厲王時則厲王下距魯隱百六十年謀娶公之
下接武公亦誤

考史記杞自東樓公始封傳西樓題公謀娶公
當厲王時按武王克商下車即封夏后氏後於

杞自武王十三年踐位起至厲王元年己二百四十五年必杞之東樓西樓題公三世皆在位八十餘年之久謀娶公方能與厲王時相值又厲王元年起至平王二十年己一百二十八年林堯叟謂杜氏年表杞武公二十九年入春秋劉氏外紀平王二十一年爲杞武公元年謀娶公當周厲王時卽位亦必在位一百餘年方能與武公相接世家之有脫誤釋史尚史均已辨之紀年厲王二十四年杞武公薨與史記謀娶公當厲王時不合宋闕名春秋二十國年表云

春秋七國統表

卷四

四

杞武公十一年入春秋與杜氏年表武公二十九年入春秋異按史記杞自武公以後皆有年而脫成公一代林堯叟謂杜氏年表至僖公二十三年始載杞成公卒而前旣載武公入春秋之年蓋以成公卒之年起照世本補成公十八年上溯至隱元年正武公二十九年闕名二十國年表自僖二十二年以前杞之卒立皆缺而不書僖二十三年書十一月卒弟桓公姑容立其卒不書某公蓋卽依史記以桓公接德公而不記成公一代故以德公十八年卒照史記上

朔至隱公元年正武公十一年此兩年表之所
以異也今依史記通鑑外紀爲表

公立徐廣曰世本曰惠公
公又云惠公生成公

去弟桓公姑容
姑容立徐廣曰

公成公立十八年

春秋隱四年

留雍邱

史記索隱曰
後改國號曰
州而稱淳字
公春秋桓五
年經云州公
如舊傳曰淳

春秋七國統表 卷四

五

而脫

十三年

之年蓋以

年上溯至隱

國年表自僖二

不書僖二十三年

以異也今依史記通鑑外紀爲表

斷至顯公元年五短公十

杞靖公至桓公考

史記靖公二十三年卒子共公立共公八年卒子德公立徐廣曰世本曰惠公索隱曰系本譙周並作惠公又云惠公生成公及桓公是此系家脫成公一代下云弟桓公姑容立非也 德公十八年卒弟桓公姑容立徐廣曰世本曰惠公立十八年生成公及桓公成公立十八年桓公立十七年

史記索隱杞後改國號曰州而稱淳于春秋桓五年經三州公如曹傳曰淳

也 公如曹是

接春秋莒人伐杞取牟婁左氏無傳索隱所引今左傳無此文或

春秋莊二十五年伯姬歸杞左氏無傳索隱所引今左傳無此文以外紀推之是年乃杞德

春秋隱四年莒人伐杞取牟婁杜預註杞國本都陳留雍邱縣推尋事跡桓六年淳于公亡國杞似并之遷都淳于僖十四年又遷緣陵襄二十九年晉人城春秋七國統表

卷四

六

杞之淳于杞又遷都淳于孔穎達疏杞於此歲已見於經桓二年有杞侯來朝莊二十七年有杞伯來朝於傳並無號諡又不書其卒僖二十三年杞成公卒其諡乃見於傳未知此年杞國定是何君當是成公之父祖耳史記索隱周封杞而居雍邱至春秋時杞已遷東國故左氏隱四年傳云莒人伐杞取牟婁牟婁者東邑也 史記索隱曰成公見春秋經傳故左氏莊二十五年云杞成公娶魯女有婚姻之好至僖二十三年卒始赴而書左傳曰成公也

公四年非成
公時事

按表內十一
月卒不書某

公以後始紀
祀之卒立

弟桓公姑容立

册府元龜靖公立二十三年卒子共公立八年卒子

德公立註世本日惠公公德公十八年卒弟桓公姑

容立註世本日惠公立十八年生成公及桓公成公

立十八年桓公立十七年

古史靖公二十三年卒子共公立共公八年卒子德

公立註世本作惠公德公生三子曰成公桓公德

春秋七國統表

卷四

七

公十八年卒子成公立成公十八年卒弟桓公立註

德公生成公桓公此據世本春秋僖二十三年杞子

卒左氏曰成公也史記無成公失之自桓以上杞之

朝會載于春秋而其君之卒葬不錄其世不可詳也

自桓以來乃頗可攷桓公六十二年朝于魯魯成公

言晉悼公之政桓公十七年卒子孝公句立

按杞桓朝魯
魯成言晉悼
之政據左氏
係魯成十八
年時桓公六
十四年

左傳襄六年杞桓公卒孔穎達疏世本杞桓公是成

公之弟成公卒而桓公立至此七十七年

闕名春秋二十國年表魯僖公二十三年十一月卒

弟桓公姑容立

册府元龜靖公立二十三年卒子共公立八年卒子

德公立註世本日惠公公德公十八年卒弟桓公姑

容立註世本日惠公立十八年生成公及桓公成公

立十八年桓公立十七年

古史靖公二十三年卒子共公立共公八年卒子德

公立註世本作惠公德公生三子曰成公桓公德

春秋七國統表

卷四

七

公十八年卒子成公立成公十八年卒弟桓公立註

德公生成公桓公此據世本春秋僖二十三年杞子

卒左氏曰成公也史記無成公失之自桓以上杞之

朝會載于春秋而其君之卒葬不錄其世不可詳也

自桓以來乃頗可攷桓公六十二年朝于魯魯成公

言晉悼公之政桓公十七年卒子孝公句立

通鑑外紀目錄周桓王十七年杞靖公元釐王元年
靖公二十三年薨子共公立釐王二年杞共公元惠
王四年共公八年薨子德公立或云惠公惠王五年
杞德公元惠王二十二年德公十八年薨子成公立

惠王二十三年杞成公元襄王十五年成公十八年
薨弟姑容立襄王十六年杞桓公姑容元靈王五年
桓公七十年薨子丐立

春秋分記靖公武公子桓八年嗣立明年改元至莊
十三年卒在位二十三年 其公靖公子莊十三年
嗣立明年改元至莊二十一年卒在位八年 惠公
共公子或云德公莊二十一年嗣立明年改元至僖
五年卒在位十八年 成公惠公子僖五年嗣立明
年改元至二十三年卒在位十八年成公上五世春
秋不詳見其名諡但書曰杞侯杞伯祀子云爾至成
春秋七國統表 卷四 八

公方書卒而不書名自桓公以下始書焉今止用世
本及史記年表劉恕外紀編年參考年月存其世次
云 桓公名姑容成公弟僖二十三年嗣立明年改
元至襄六年卒在位七十年 鄭樵通志靖公二十三年卒子共公立共公八年卒
子德公立德公十八年卒弟桓公姑容立桓公十七
年卒子孝公丐立 林堯叟左傳列國紀年杜氏年表武公二十九年入
春秋至僖公二十三年始載杞成公卒弟桓公姑容
立而考之史記自武公靖公共公德公至桓公姑容

按左傳事緯
杞成公以上
俱不紀年與
經史異蓋兩
存其說也

立共九十六年而無成公一代世本譙周索隱徐廣
所說又云惠公生成公桓公各有互異又如春秋所
書隱四年伐杞桓二年來朝三年會杞莊二十五年
伯姬歸杞傳並不載何公今但當以左傳所載及杜
氏年表為正

左傳事緯列國年表周襄王十五年冬杞成公卒以
上疑年襄王十六年杞桓公姑容元
考史記杞無年表世家自武公以後均有年林
堯叟謂杜氏年表武公二十九年入春秋而杜
氏年表未見其書今本杜預世族譜杞人八止

春秋七國統表

卷四

九

載成公以下至僖公其成公以前均不載孔穎
達隱四年正義謂未知此年杞國定是何君蘇
子由亦謂自桓以上其世不可詳闕名二十國
土錄年表杞自桓以下始記卒立林堯叟列國紀年
表以杜氏年表為正而于魯桓元年杞載武公而
八年不記年莊閔僖元年均不載某公皆闕疑之意
前說又史記無成公以桓公為德公之弟世本德公
齊魯作惠公惠公生成公桓公桓公為成公之弟又
世本史記冊府元龜通志俱云桓公十七年卒
立其古史桓公六十三年朝于魯又云桓公十七年

杞孝公至僖公考

史記桓公十七年卒子孝公勾立孝公十七年卒弟

文公益姑立文公十四年卒弟平公鬱立索隱曰一

作郁釐譙周云名鬱來蓋鬱郁釐來聲相近遂不同

也平公十八年卒子悼公成立悼公十二年卒子

隱公乞立七月隱公弟遂弑隱公自立是為釐公釐

公十九年卒子湣公維立

漢書古今人表杞釐公隱公子

世族譜成公桓公姑容成公弟

益姑平公郁釐悼公成隱公乞僖公過悼

春秋七國統表 卷四

公會孫右杞人八

春秋哀八年杞伯過卒孔穎達疏世族譜云僖公過

悼公會孫案悼公祖文公以昭六年卒父平公以昭

二十四年卒悼公以定四年卒未應有曾孫可以授

之國也杞世家僖公過是悼公之子疑譜誤

冊府元龜桓公十七年卒子孝公勾立十七年卒弟

文公益姑立十四年卒弟平公鬱立十八年卒子悼

公成立十二年卒子隱公乞立七月隱公弟遂弑隱

公自立是為釐公十九年卒子湣公維立

古史孝公十七年卒子文公益姑立文公十四年卒

史記周本紀
僖王正義曰
僖音信
實通鑑報
王五年齊湣
王註潛讀曰
闕

弟平公郁釐立平公十八年卒子悼公成立悼公十二年會諸侯于召陵卒于會子隱公乞立七月隱公弟過弑隱公而自立是爲僖公僖公十九年卒子潛公維立
通鑑外紀目錄周靈王六年杞孝公禹元靈王二十二年孝公十七年薨文公立靈王二十二年杞文公益姑元景王九年文公十四年薨弟郁釐立景王十年杞平公郁釐元敬王二年平公十八年薨子成立敬王三年杞悼公成元敬王十四年悼公十二年薨子隱公乞立七月其弟過弑隱公自立敬王十五年春秋七國統表

卷四

十一

杞僖公過元敬王三十三年僖公十九年薨子維立闕名春秋二十國年表周敬王十四年五月卒子隱公乞卒弟僖公過立

春秋分記孝公名句桓公子襄六年嗣立明年改元至二十三年卒在位十七年文公名益姑孝公弟襄二十三年嗣立明年改元至昭六年卒在位十四年平公名郁釐文公弟昭六年嗣立明年改元至二十四年卒在位十八年悼公名成文公弟昭二十四年嗣立明年改元至定四年卒在位十二年隱公名乞悼公子定四年嗣立是年遇弑隱公不見

於春秋按史記世家悼公卒子隱公乞立七月隱公弟過遂弑隱公而自立是爲僖公參之世本外紀所載皆同今從之僖公名過悼公子隱公弟定四年嗣立明年改元至哀八年卒在位十九年鄭樵通志孝公十七年卒弟文公益姑立文公十四年卒弟平公鬱立平公十八年卒子悼公成立悼公十二年卒子隱公乞立七月隱公弟遂弑隱公自立是爲釐公釐公十九年卒子湣公維立

諸國統紀孝公文公平公悼公僖公湣公

南軒通鑑綱目周敬王十四年杞悼公卒于會過嗣

春秋七國統表

卷四

七

敬王十五年杞僖公元年

釋史年表周敬王十四年杞隱公乞立弟遂弑之敬王十五年杞僖公遂元年

考古史文公爲孝公千古今人表釐公爲隱公

子均與史記異又杜預世族譜僖公爲悼公會

孫孔疏辨之至疏稱悼公祖文公按史記文公

爲平公之兄悼公之伯非悼公之祖孔疏與史

記亦異闕名二十國年表隱公乞書卒不書弑

諸國統紀無隱公一世南氏綱目杞悼公卒後

卽書過嗣亦不載隱公及僖公篡立事今依史

記外紀爲表

春秋七國統表

卷四

十四



杞稱伯稱子考

桓二年來朝
桓十二年盟
曲池公穀俱
作紀侯桓三
年會邾公羊
亦作紀侯

春秋莊二十七年杞伯來朝左傳杜預註杞稱伯者
蓋為時王所黜孔穎達疏桓二年杞侯來朝桓十二
年公會杞侯莒子盟于曲池自爾以來不見經傳從
此稱伯終於春秋故云蓋為時王所黜于時周王當
桓莊僖惠不知何王黜之公羊何休註杞夏后不
稱公者春秋黜杞新周而故宋以春秋當新王穀
梁范甯註杞稱伯蓋時王所黜

春秋僖二十三年杞子卒左傳杜預註杞入春秋稱
侯莊二十七年細稱伯至此用夷禮貶稱子公羊

春秋七國統表

卷四

五

漢書五行志
莒滅杞師古
曰公羊傳孰
滅之蓋徐莒
也何休註是
見恐曷而亡

何休註始見稱伯卒獨稱子者微弱為徐莒所脅不
能死位穀梁范甯註莊二十七年稱伯今稱子蓋
為時王所細

春秋文十二年杞伯來朝左傳杜預註復稱伯舍夷
禮穀梁范甯註僖二十七年稱子今稱伯蓋時王
所進

春秋襄二十九年杞子來盟左傳杜預註杞復稱子
用夷禮也孔穎達疏杞入春秋書爵稱侯又稱伯僖
二十三年二十七年稱子傳曰用夷禮故曰子自爾
以來常稱為伯今復稱子傳云書日子賤之也明為

用夷禮故賤之知杞復稱子用夷禮也 公羊何休
註貶稱子者微弱不能自城危社稷宗廟當坐善諸
侯城之 穀梁范甯註杞復稱子蓋時王所黜

考春秋杞之稱侯稱伯稱子按外紀目錄桓二
三年稱侯係武公桓十二年稱侯係靖公莊二
十七年稱伯係德公僖二十三年稱子係成公
僖二十七年稱子係桓公文十二年稱伯亦桓
公以後常稱伯襄二十九年稱子係文公以後
終春秋俱稱伯至其稱伯稱子三傳註各不同
錄存以俟考

春秋七國統表

卷四

公羊何休
穀梁范甯
左傳
春秋
七國
統表
卷四
六

杞湣公至簡公楚滅杞考

史記湣公十六年湣公弟闕路弑湣公代立是爲哀公索隱曰闕音遏哀公殺兄湣公而立諡哀譙周曰諡懿也 哀公立十年卒湣公子欬立是爲出公徐廣曰欬一作速 出公十二年卒子簡公春立立一年楚惠王之四十四年滅杞杞後陳亡三十四年又楚世家惠王四十四年楚滅杞正義曰周定王二十四年

竹書紀年周貞定王二十四年楚滅杞

世族譜僖公子湣公六年獲麟之歲也湣公弟哀公

春秋七國統表

卷四

七

三年春秋之傳終矣哀公十年卒自哀公以下二世十三年而楚滅之

冊府元龜湣公維立十六年湣公弟闕路弑湣公代立是爲哀公哀公十年卒湣公子刺立

說刺作邈

是爲出

公出公十二年卒子簡公春立一年楚惠王滅杞

古史湣公十六年公弟闕路弑湣公而自立是爲哀公哀公十年卒湣公子欬立是爲出公出公十二年卒子簡公春立元年楚惠王之四十四年伐滅杞

通鑑外紀目錄周敬王三十四年杞湣公維元周元王六年湣公十六年弟闕路弑公自立元王七年杞

哀公闕路元周貞定王八年哀公十年薨潛公子款立貞定王九年杞出公款元貞定王二十年出公十二年薨子春立貞定王二十一年杞簡公春元貞定王二十四年簡公四年楚滅杞

春秋分記潛公名維僖公子哀八年嗣立明年改元二十四年卒在位十六年潛公弟哀公三年左氏之傳終矣哀公十年卒自哀公以下二世十三年而楚滅之

鄧樵通志潛公十五年楚惠王滅陳潛公弟闕路弒

潛公代立是為哀公哀公立十年卒潛公子款立是

春秋七國統表 卷四

六

為出公十二年卒子簡公春立立一年楚惠王之四十四年滅杞

大事記周貞定王二十年杞出公薨子簡公春立貞

定王二十四年楚滅杞

文獻通考杞東樓公子西樓公傳題公謀娶公武公靖公共公德公桓公孝公文公平公悼公隱公釐公潛公哀公幽公簡公凡十九傳而杞為楚所滅南軒通鑑綱目周貞定王二十四年楚滅杞

考史記杞簡公立一年楚惠王之四十四年滅杞杞後陳亡三十四年按六國表楚惠王四十

四年當周定王二十四年以杞世次考之應在簡公四年又按十二諸侯年表楚滅陳在周敬王四十一年至周定王二十四年正與後陳亡三十四年相合外紀目錄紀杞滅之年至簡公四年止大事記亦同今依史記外紀大事記爲表

春秋七國統表

卷四

七



表

四半

天運廣衣同今對史記校錄大事記

五十四年春秋公孫龍自魯歸林始云至簡公

王四十一年至周定王二十四年並與齊鄭

簡公四年又姓十二簡治平表與鄭刺至周

四半當周定王二十四年以春秋定表

越始封考

史記越世家夏后帝少康之庶子封於會稽以奉守禹之祀文身斷髮披草萊而邑焉

吳越春秋少康恐禹祭之絕祀乃封其庶子於越號

曰無余無余質朴不設宮室之飾從民所居春秋祠

禹墓於會稽

越絕書越之先君無餘乃禹之世別封於越以守禹

冢

國語韋昭注史記世家越夏禹之後少康庶子也封

於會稽以奉禹之祀

春秋七國統表

卷四

二

杜預世族譜越姒姓其先夏后少康之庶子也封于

會稽自號於越於者夷言發聲也濱在南海不與中

國通

水經注夏后少康封少子杼以奉禹祀為越

太平御覽越王句踐其先禹之苗允夏后少康之子

封會稽以奉守禹之祀

路史帝杼封云西甌處於埤中鬻髮文身以負俗曰

無余無余者杼也註云卽季杼少康之庶子 初禹

之會稽山也及崩君詳臣葬之至於太康歲弗及祀爰

封杼以世祀

史記正義引
吳越春秋無
余作無餘

路史注蘇賦
云於嘆聲誤
矣

金仁山通鑑前編少康六十一年季杼踐位後書少
子無余封於越舉要注用吳越春秋修

南叔後通鑑綱目少康五十二年封庶子無餘於越
南軒云吳越春秋無餘之封原自少康前編書於季
杼踐位之後誤矣

墨子越王緊虧出自有遽始邦於越畢沅註本緊改
作緊緊虧盧云卽無餘也有遽未詳

考史記越爲少康庶子之後不載庶子之名吳
越春秋謂少康封其庶子號曰無余水經注謂
少康封其少子杼路史謂帝杼封少康庶子季

春秋七國統表

卷四

三

杼註引姓書少康崩時季杼尙少之言謂非滅
殫之伯杼其云無余卽杼是仍以無余爲始封
之君越絕書以無餘爲禹之世別封守冢與史
記吳越春秋不同墨子謂越王緊虧始邦於越
盧氏謂緊虧卽無餘今依史記吳越春秋爲表

寰宇記由羅
泌路史註錄
入

越封爵考

寰宇記少康庶子無餘封於會稽世爲越侯

史記正義輿地志云越侯傳國三十餘葉歷殷至周
敬王時有越侯夫譚子曰允常拓土始大稱王春秋
貶爲子號爲於越

古史夏后少康之庶子封于會稽謂之越子

路史國名記夏后氏後越姒姓一曰於越處卑中號
無餘今會稽越州治爵不過子

顧棟高春秋大事表少康之庶子封于會稽至周初
封爲不成子章昭曰周禮諸子之國封疆方二百里

春秋七國統表

卷四

三

越不能成子言其國小也

考越之封爵寰宇記謂世爲越侯輿地志謂始
封爲越侯傳至允常稱王春秋貶爲子古史謂
少康庶子始封卽爲越子大事表因范蠡有我
先君固周室之不成子之言謂越至周初封爲
不成子按春秋無書越子者左傳于句踐皆稱
越子其爲本封爵可知今依左傳古史爲表

吳越五義輿地志云越侯傳國三十餘葉歷殷至周
敬王時有越侯夫譚子曰允常拓土始大稱王春秋
貶爲子號爲於越

越無壬至允常考

吳越春秋無余傳世十餘末君微劣不能自立轉從
衆庶爲編戶之民禹祀斷絕十有餘歲有人生而言
語指天向禹墓曰我是無余君之苗末我方修前君
祭祀復我禹墓之祀爲民請福於天以通鬼神之道
衆民悅喜皆助奉禹祭四時致貢因共封立以承越
君之後復夏王之祭自後稍有君臣之義號曰無壬
壬生無暉暉專心守國不失上天之命無暉卒或爲
夫譚夫譚生元常常立當吳王壽夢諸樊闔閭之時
越之典霸自元常矣

春秋七國統表

卷四

三

越絕書越王夫鐔

註一作鐔

以上至無餘久遠世不可紀

也夫鐔子允常

路史周之東有無壬百姓奉而君之暨元常而始伯
註曰無壬生暉暉生夫譚譚之子爲元常

繹史越世系無壬無臯夫譚允常

尚史越世系無壬無暉夫譚允常

考吳越春秋無暉卒或爲夫譚未知夫譚是否
無暉之子路史註無壬生暉暉生夫譚按字典
無暉字繹史作無臯尚史依吳越春秋以無暉
次無壬夫譚次無暉今依吳越春秋爲表

越稱王考

左傳定十四年吳伐越越子句踐禦之杜預註句踐
越王允常子

史記允常卒子句踐立是為越王又云句踐已平吳
致貢於周元王命為伯諸侯畢賀號稱霸王索隱曰
句踐平吳之後周元王始命為伯後遂僭而稱王也
吳越春秋闔閭五年吳王以越不從伐楚南伐越越
王元常曰吳不信前日之盟棄貢賜之國而滅其交
親闔閭不然其言遂伐破樵里又闔閭十年越王元
常恨闔閭破之樵里興兵伐吳吳在楚越盜掩襲之

春秋七國統表

卷四

三

越絕書允常子句踐大霸稱王

輿地志允常拓土始大稱王

世族譜允常卒子句踐立是為越王

水經注允常卒句踐稱王都於會稽

太平御覽允常卒句踐立滅吳稱霸

冊府元龜允常卒子句踐立是為越王

通鑑外紀周敬王二十三年越允常薨子句踐立始

稱王

鄭樵通志允常卒子句踐立是為越王

考越之稱王輿地志謂允常始大稱王越絕書

秋相合

輿地志由史
記正義錄又

按闔閭五年
當魯昭三十
二年春秋書
吳伐越闔閭
十年當魯定
公五年春秋
書於越入吳
均與吳越春

越句踐在位之年考

國語句踐卽位三年而欲伐吳韋昭注句踐三年魯

哀之元年

世族譜越王元年魯定公之十四年也

史記句踐元年吳王闔廬聞允常死乃興師伐越索

隱曰事在左傳定公十四年句踐卒索隱曰紀年

云晉出公十年十一月於粵子句踐卒是為莢執

吳越春秋越王句踐臣吳至歸越句踐七年也註國

語句踐與范蠡入臣于吳三年而吳人遣之當魯哀

公五年是為句踐七年正與此合句踐二十七年

春秋七國統表 卷四

三

冬卒太子興夷卽位

竹書紀年周貞定王元年於越徙都瑯琊貞定王四

年十一月於越子句踐卒是為莢執次鹿郢立

皇極經世周敬王二十四年乙巳越句踐

古史允常卒子句踐立時闔閭之十九年也越王句

踐元年闔閭因其喪伐之王句踐卒註左傳史記

皆不記句踐之年然史記稱越王元年闔閭聞允常

死興師伐越敗于檇李今據此而求之春秋以次句

踐之年然卒不知其卒之年矣

通鑑外紀目錄周敬王二十三年越允常薨子句踐

貞定王四年
卽晉出公十
年

立敬王二十四年越王句踐元闔廬聞允常死伐越
貞定王五年句踐三十三年薨子王廙與立

皇王大紀周敬王二十三年越王允常薨子句踐嗣

周貞王甲戌年越王句踐薨子適郢立適郢元凱本史記作石與

春秋分記春秋不書允常而史記以為魯定公十四

年允常卒句踐立又年表周敬王二十四年越王句

踐元

林堯叟左傳列國紀年魯定公十四年允常卒句踐

立魯哀公元年句踐二年

金仁山通鑑前編周敬王二十三年越子允常卒子

春秋七國統表卷四

三

句踐嗣是為莢執二十四年於越敗吳于檣李元王

三年越滅吳貞定王四年越莢執卒莢執越語如西

域二合之音卽華言德云

南軒通鑑綱目周敬王二十三年越子允常卒子句

踐嗣是為莢執敬王二十四年越句踐元年元王三

年越滅吳范蠡去越越子殺其大夫文種貞定王四

年越莢執卒句踐在位三十一年子鹿郢嗣是為廙

與

前編曰今日本云吳太伯之後蓋吳亡其支庶入海為倭也

吳越春秋賜文種死在句踐二十五年

按三十一當作三十二

考韋昭國語注杜預世族譜俱以魯定公十四年為句踐元年皇極經世亦于周敬王二十四

年乙巳書越句踐而均不載允常卒之年古史據史記謂闔閭十九年允常卒句踐立句踐元年闔閭伐越按史記十二諸侯年表闔閭十九年死當魯定公十四年古史卽以允常卒之年爲句踐元年也春秋分記亦同林堯叟記允常卒于魯定公十四年以次年爲句踐元年故于魯哀公元年書句踐二年與古史分記異劉氏外紀于敬王二十三年書允常薨二十四年書句踐元胡氏大紀金氏前編南氏綱目並同至句踐卒之年吳越春秋句踐二十七年卒外紀

春秋七國統表

卷四

三

三十三年薨大紀謂貞王甲戌年薨計在位三十年前編依竹書紀年于貞定王四年丙子書句踐卒計在位三十二年衆說不同今依紀年外紀通鑑前編爲表

春秋七國統表卷四終

而以不詳

春秋七國統表卷四終

